

# Alkitab Anggen Anak Alit

Anak Muani  
ane Sing Nyak  
Nyumbah



Kasurat olih: Edward Hughes

Kaperagayang olih: Jonathan Hay  
Alastair Paterson

Ka tempa saking: Mary-Anne S.

Ka dwi aksarayang olih: Ni Luh Mastri Ayu Caerina;  
Pdt I Gusti Made Alit Purya


Kakaryanin olih: Bible for Children  
[www.M1914.org](http://www.M1914.org)

©2023 Bible for Children, Inc.

Perarem: Ida dane dados nerjemahang utawi nyalin carita puniki,  
nanging nenten dados ke adol.



Raja Nebukadnezar ngewangun arca emas ane gede pesan. Makejang malakar aji mas, uli sirahne nganti teked di batisne. Mirib sang raja suba engsap teken ipian ane kapicayang Ida Sang Hyang Widi indik kerajaan emasne ane sing mekelo buin tuwuh ne. Mirib ja dane mepineh yening dane ngewangun arca ane makejang malakar aji mas, sinah suba makajang ane kuningayang antuk Ida Sang Hyang Widi sing lakar kalaksanayang.





Salah sinunggal parekan  
rajane ngumumang bebesen  
buat anake makejang:

“...semeton ajak makejang  
patut sumuyud lan nyumbah  
arca emase ento.”



Makejang anake ngelaksanayang apa ane keprentahang sang raja, sajabaning anak-anak muda ane ajak tetelu. Ipun sing ja len anak Ibrani, Sadrakh, Mesakh lan Abednego, timpal-timpal nyane dane Daniel. Asane Daniel sing ada di tongose ento, uli krana ia suba pasti masi sing nyak nyumbang widi pegaen manusane.



Makajang anak ane wicaksana iri pesan teken dane Daniel, keto masi teken timpal-timpal Daniele, uli krana raja sayang pesan tekenin ia ajak makejang. Ia ngomong buka kene, “Ada anak muani ajak telu ane maan kapercayan sang prabu buat ngatur wewengkon Babel – Sadrakh, Mesakh lan Abednego. Ia ajake telu, nenten ngelaksanayang prentah sang prabu. Ia tusing nyak ngayahin para dewan palungguh I ratu tur nyumbang arca emas pakaryan palungguh I ratu.”






Dane raja Nebukadnezar pedih pesan. Dane ngicen ipun peringatan, “Yening kita sing nyak nyumbang arcane ento, kita laku kauntungan di api unggun. Apake ada Widi ane laku mebasang kita uli api unggun ento?”



Sang raja suba ngae kapelihan ane gede. Dane nentang Widi ane idup. Maka tiga anak Ibrani ento nawang, nyumbang para berhala ento kalarang olih Ida Sang Hyang Widi. Ia ajak telu tetep dogen majujuk. Uli krana ia percaya ring Ida Sang Hyang Widi, ia sing ja takut tekenin raja.






Anak ane ajake telu ento matur ring rajane. Atur danene buka kene, “Widin tiange ane lakar mebasang tiang uli api unggune ento. Sakewala yening sing keto, titiang matur ring ratu, sang prabu, titiang nenten pacang nyumbang berhala emas pakaryan I ratu.”



Raja Nebukadnezar  
pedih pesan atine! Dane  
mrentahang apange  
ngedenang api unggune  
ping pitu panes ne  
kebandingan teken ane  
biasane. Lan anake ajak  
telu ento tetep sing nyak  
metedoh.



Sang raja mrentahang anak ane siteng-siteng, para prajuritne negul Sadrakh, Mesakh lan Abednego lantasi makejang kaentungan ka api unggune.



Api unggune ento panes  
pesan, saking panes ne  
ngranayang prajurit ento  
mati, rikala ia maekin api  
unggune lan ngentungan  
Sadrah, Mesakh lan  
Abednego.



Sang Prabu nyingakin unduke ento uli tongos ane joh. Dane nyingakin anak-anak muani ento entungane ka api unggune ento. Sakewala ane cingakin raja ne boya ja anak ajak telu dogen.



Raja Nebukadnezar tengkejut pesan! “Apake iraga  
tuah ngentungan anak-anak muani tuah  
ajak telu dogen?” Pitaken rajane  
ring pelayan danene. “Inggih  
patut, ratu!” atur ipune.  
“Tinggalin ja!” “Gelah  
ningalin anak muani ajak  
patpat, mejalan di  
tengah-tengah  
apine, lan ia  
makejang sing ja  
matatu. Tur salah  
sinunggal anak  
pengenahne cara  
Putran Widine!”



Dane sang prabu maekin api  
unggune, tur mekaukan,  
“Sadrakh, Mesakh lan  
Abednego, para kaulan Widine  
mai ja pesu!” Lantas Sadrakh,  
Mesakh lan Abednego pesu uli  
api unggune ento.



Makejang anak ane mapunduh lan mereksain anak muani ajak telu ento. Ia ajak makejang suba ningalin apine ento sing natunin ipun. Sing ada bok ane pun lan bajune masi sing ada ane pun. Sing ada ane ngadek bone ane ngit.





Rikala dane raja Nebukadnezar uning ada paundukan ane tawah ento, dane lantasi ngelaksanayang pandidikan ane ngangobin pesan. Dane ngastawa lan mebaos, “Pujija Widin dane Sadrah, Mesakh lan Abednego! Widin ipune sube ngutus malekat Idane lan ngerahayang para kaulan Idane ane percaya ring Ida.”



Anak Muani ane Sing Nyak Nyumbah

Wenten katuturan carita saking pengandika Ida sang Hyang  
widi mewasta Alkitab,

dados sobyahang ring

Daniel 3

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadma sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

